

Kipah thugenna

Pathian in a saptuamte ahonvualzawl a, tu kum 2015 Missionary Day I zatna uah local bangzah hiamte 'n day zatna program omsak in, huan, saptuam bangzah hiamte missionaryte' min liauliau in a kiloh siausiau ua, nasepna hun in zang uhi. Lungthul (T) leh Thingkangphai saptuamte akipat hiai missionary Day a thohlawm adon khiakte uh Head Office ah missions nasepna a apoimohna lamlam a zat ding chi a honkhakte uh a kimu a, huan Sinzawl saptuam in akilohna sum uh missionaryte adia thilpiak (Gift) ding a honkhak uh leng kimu hi. Hiaite behlapna in heutupa Rev. G Paumuangthang leh Elder T. Dongzasuan ten leng missionaryte ading in gift hon thoh uhi. Hiai gift te I missionaryte uh adia thothkiak ahi. Hichibang thilpiak manpha tak I missionaryte a muh chiang un kipak mahmah ua, a nasepna uah tha guan mahmah hi. Hichi bang nahoih sep semthei ding a lungtang honpusak a hon sembuching sakpa Pathian in thupina leh pahtawina tang henla, saptuamte a tam sem semthei zel ding in Toupa 'n hon ompih gige hen. Saptuam leh mimal hichibang a Pathian gam nasepna a sum leh pai hon thohte tung ah kipahna lianlua ahih man in I messenger tungtawn un hon kitak lang hi.

Tukum Missionary Day (May 07, 2015) ah Coordinator (Missions) leh a inkuante, MMF Missionary Intern Pastor Johan Singh toh kithuah in Bukpi ah Missionary Day vamang ua, Missions nasepna toh kisai Reportna leh thutak genna vanei ua, saptuamte toh programme lohching takin vazang uhi. I Missions nasepna lohsum lou ahih dan muhtheih in om, adiak in isaptuam(PCI,R) in Meiteite lak a isepna a gah muhding hong om semsem ding in kilang hi. Tua Intern Pastor Johan Singh leng isepgah imuh uh honghita chilehang ikhial kei ding, aziak tuh amah pen pension inapiak tak uh I missionary Kh. Apabi Ngathal tapa ahih aziak in, hichibang pate sepna nung sunzomthei ding hong ompen isepna gah uh Pathian in hon muhsak ichi lou thei kei hi. Bang kim tung ah Pathian in thupina tangta hen.

Coordinator (Missions)

FATHER'S DAY

Rev. H. Chin Thiansong, Coordinator (Ministries)

Father Day ahong kipahtiatna thu igenma in inkuan a Papen poimohna tampite lak a pan tamlou genkhom masa leng chiin kahon gelhi hi. Khovel ah pa hoihlou/Pa ginalou tampi aomtham ding, hiai Pa ginalou ichihte khenkhat amau a ginalou himhim a omding a, khenkhat damsung khosak ngaihtuahna ziak bang, zii te ziak bang, tate ziak bang, ahihkeileh mahni a fel zoulou himhim bang, ban ah aziak tuamtuam ahiding. Huan Pahoihlou tampi ommahleh Pahoih tampi om veve hi. Tunia inkuan a papen igenna ah pasal sese genna himasalou ichiding a inkuan a amakaipen gen ut ihi chih theimasa leng ut huai isa hi.

Tuin inkuan a papen manphatna leh poimohna igending uh: Atunga kipan Pathian in avualjawlnate inkuan a Papen tungtawn in Inkuan sungah ana luanglutsak hi chih Abraham leh a inkuante apan imuthe hi. Huan Pathian in pate tungtawn mahin inkuan ahonkema, ahon enkola, ahonmakaih hi(Genesis 12:1 – 25:1ff). Huan Gamsung pumpi enlehang Pathian in gamsung a dinga papen ikumpite tungtawn in vualzawl na honluang lutsak a, alehlamtak ah amaute tungtawn mahin hamsia hiam haksatna hiam ahontungsak thei veve hi. Etsakna: Israel' kumpi David leh Solomon ziakin Pathian in Israelte leh agam uh nasatakin vualzawl (ISamuel 1:1 – 10:1ff; Ikumpipate 1:1 – 10:1ff). Huan Israel kumpi Zekaria, Hezekia, Zedekia te ziakin Pathian in amipite tung ah siatna ahontun a agam ah gentheih haksatna atungsak hi (2Kumpipate 15:1 – 25:1ff).

Huaiziakin Pate / Papente tuh insung leh gamsung a dinga vualzawl na naak ahih mahbang un hamsiatna naak leng hithehi uh ahi. Huaiziakin Pathian phawk kawm a pilvangtak a hinkhua a zat uh poimoh hi.

Fathers Day ichih tuh Pate Ni chihna ahi a, ahong kipahtiatna dan saulou in igending uh

PRESBYTERIAN CHURCH IN INDIA (REFORMED) ELDER LEH DEACON TELCHING TE – 2015

S/no	MIN	HIHNA KHUA/SAPTUAM	PRESBYTERY
01.	Suanpau Guite	Elder Bethel, Vengnuam NLK	N/Lamka
02.	Vungzakhual	Elder Elim, Hq. Veng Lamka	N/Lamka
03.	Lalkhanthang	Elder Immanuel, Phailian	N/Lamka
04.	T. Kaizagin	Elder Kerith, Zenhang Lamka	N/Lamka
05.	T. Pumzanang	Elder Zenhang Lamka	N/Lamka
06.	T. Zuanthang	Elder Zion, New Lamka	N/Lamka
07.	Ginsuanthang Guite	Elder Zion, New Lamka	N/Lamka
08.	Thanglianmang	Elder Mata	S/Lamka
09.	T. Piangkhanpau	Elder Mata	S/Lamka
10.	V. Ginkhopau	Elder Thingkangphai	S/Lamka
11.	Haumin	Elder S. Thadou Veng,	Singngat
12.	Tuandoukap	Elder Tuima	Singngat
13.	Khammung	Elder Enpum	Singngat
14.	Pauenthang	Elder Suangdoh	Singngat
15.	T. Dalsuanthang	Elder Mimbung	Thanlon
16.	Khandailou	Deacon Bethel, Vengnuam, NLK	N/Lamka
17.	Paukhankham	Deacon Bethel, Vengnuam, NLK	N/Lamka
18.	Khaikhothang	Deacon Elim, Hq. Veng	N/Lamka
19.	Tongcha	Deacon Kerith, Zenhang Lamka	N/Lamka
20.	Suana Hauzel	Deacon Rehoboth, Lamka Tung	N/Lamka
21.	Th. Mangsuan	Deacon Zenhang Lamka	N/Lamka
22.	V. Daisong	Deacon Zenhang Lamka	N/Lamka
23.	T. Thangkhenpau	Deacon Zion, New Lamka	N/Lamka
24.	D. Taizamuan	Deacon Zion, New Lamka	N/Lamka
25.	Mangtinlien	Deacon Zion, New Lamka	N/Lamka
26.	C. Liansangson	Deacon Mualkoi	S/Lamka
27.	Son K. Tombing	Deacon Mualkoi	S/Lamka
28.	T. Lamkholian	Deacon Daijang	S/Lamka
29.	Khamsuanthang	Deacon Mata	S/Lamka
30.	Dongzamuan	Deacon Mata	S/Lamka
31.	Ginmuan	Deacon Kaihnam	Thanlon Pres
32.	Suangoumuan	Deacon Songtal	Thanlon Pres
33.	L. Thangmang	Deacon Bukpi	Thanlon Pres
34.	L.Nengkhopau	Deacon Tallian	Thanlon Pres

NA HINNA DIINGIN TAIKHIAIN

By: Intern Pastor TK Shyam Valte

"Huan, hichi ahi a, polamah a pikhiak khit un, Na hinna dingin taikhiain; na nunglam nga kenla, Phaijang himhim ah leng khawlh ken; hua tang sang ah suahtak sanin, huchilouinjaw na mang tel kha ding hi, achia". Genesis 19:17

Thumasa: Amasa in hiai thubangziak tak a; Angel te 'n gen uh ahi diam? Chih in kalungsim ah, dotna lianpi hon omsak hi. Mihingte a diing in hiai khovel ah, neih-leh-lam, tampi neih saang in, HINNA a poimoh zawkziak in, Angel te 'n Lot a kiang ah; na HINNA diing in taikhiain chi in, thupiak sepsuah ngal diing a pia uhi. Hiai bung leh chang pansan in KHALAM leh SALAM a, I suahtak theihna diing in, tawm kha genkhom leng kachi hi.

I. Angelten Lot kiang ah, Na HINNA diing in taikhia in a chi uhi:

Lot i chih neih-leh-lam a hausa mahmah leh gantampi nei ahihziakin, sa vuak mai a, hiai phaizaang nuam tak mai taihsan a; mun gamlapi leh siingtang dawn a taikhiak diing a ngaihsut chiang in, lin ngoihngoih ahi diing i Laisiangthou in hiai chihial hi "Himahleh a awltat mahmah lai ngala; huchiin, Toupan amah a hephih jiakin miten a khut leh, a ji khut leh a tanu nihte khut a len ua: huchiin a pikhia ua, kho polamah a koihta uhi" (V-16) gam a kichin taklouh ziak in, Abraham in Lota kiang ah, "Hephihtakin ka kianga kipan tuam om mainin: nang veilama na pai leh, kei taklamah ka pai diing; ahihkeileh, nang taklama na pai leh, kei veilamah ka pai ding, achia. Huchiin, Lota a daka,

Mrs John Bruce of Washington in 1909 kum a Mother's Day a Pastor in Nute manphatna agenzakha hi. Huai azak apan amanleng apa pahtawina piaktuak ahidhan hon ngaihtuah khia hi. Apa tuh zii omlou a Ta 6 kem piching ahah man in. Hiai Pate pahtawina ni (Father's Day) dingin June kha a Pathianni 3 na adeih hi. Huchiin Saptuam in leng deihpih or hoihsapkih uhi. USA President 30 na. Ciilidge inzong hoihsapkih a agam pumpi ua zatdingin puangkha hi. Tuni chiangin khovel pumpi ah hiai ni (June kha a Pathianni 3 na) tuh Khovel pumpi ah Father's Day chiin Pate/Papente kiang a kipathu gemani, Pate pahtawinani in kizangta hi. Huaiziakin eite'n leng Father's Day izathun chiang un Pate/Papente hoihlouna, chitlhnate genzawlou in, amaute pahtawina ni, ahoihna uh, amanphatna uh, thupi leh poimoh ahihna uh amauzak mahmah a genna hun a zatsom chiatni. Tuadingin Toupa'n hon vualzawl chiat hen.

THEIHSAKNA LEH NGETNA

May 27, 2015

Reformed Bible Institute nasepna paitheizel a om manin I kipaka Pathian' min I phat hi. I library leh Bible school hih khan semna dingin saptuam mi Bible zil thesis gelhte'n copy khat chiat RBI library a koih dia hon pekhawm chiat dingin ka hon ngen hi. Kuahiam a bu bawlsa (hard copy) neilou, soft copy (pen-drive, disk) a neite leng RBI sen a bu a bawl a library a koih ut I hih manin huaite'n leng hon pekhawm dingin i kin gen hi.

Huaibanah, kuapeuh inn a Pathian thu toh kisai (Theological books) Bible Dictionary, commentary leh a dangdang nei a toh (donate) ut i om leh huai leng ki welcome gige ahi chih I kizasak hi.

Rev. G. Pau Muanthang
Principal, RBI

35. Ginzamuan	Deacon Tallian	Thanlon Pres
36. K. Thangmuanlal	Deacon Singngat	Singngat Pres
37. G. Hauzachin	Deacon Singngat	Singngat Pres
38. Genlunmung	Deacon Maukot	Singngat Pres
39. S. Lamkhansiam	Deacon C. Tuiveljang	Singngat Pres
40. Jamkhanmung	Deacon C. Tuiveljang	Singngat Pres
41. G. Thangsuannian	Deacon C. Tuiveljang	Singngat Pres
42. Thangkhansut	Deacon Tuima	Singngat Pres
43. Thongkhansut	Deacon Tuima	Singngat Pres
44. Pausuanmung	Deacon Suangdoh	Singngat Pres

UPA TRAINING TOH KISAI THEIHTUAK KHENKHAT

Ani: August 3-14, 2015;

Amun: *Head Office Conference Hall*;

A hun: *Zing dak 9:30 – 3:30Pm*

SUBJECT LEH SINSAKTU DINGTE

Sl.No	SUBJECT	SINSAKTU
01.	Constitution • Reformed Thugin Bulpite • Presbyterian Church in India Reformed' Constitution	Rev. Khen P. Tombing
02.	Church Government • Presbyterian Church in India Reformed' Constitution	Rev. H. Chin Thiansong
03.	Homiletic • Lecture note hong kipe ding	Rev. G. Pau Muanthang
04.	Christian Ethics • Lamkaitu hihna leh saivelna –By Vung D. Tombing • Lecture note hong kipe ding	Rev. G. Suanzalam
05.	Bible Content Overview • Lecture note hong kipe ding	Rev. M. Khamlianmang

Zoar kho lam juanin, Jordan phaijang tengteng, Toupa huan bang, Aigupta gam bangin, gam chiha tui tampi omna ahi chih a theia, Toupan Sodom leh Gomorra khua a suksiat ma lah ahi ngala. Huchiin Lotain Jordan phaijang tengteng a telta a; huan, Lota suahlamah a kisuana; huchiin a kikhenta uh" (Genesis 13:9-11). Leitung thupina delhte a diing in, Sodomphaizang munnuam tak leh khiaklah huaitak himahleh, a tawpna tuh sihna leh manthatna ahi veve hi. Huaiziakin, Paunakte 16:25 ah "Mihing adia lampi dik hileh lilawm a-om aa, himahleh a tawpna in sihna atun hi" ana chi hi.

III. Na thilhih in honzong khia diing hi:

Na thilhih leh sepkiak te'n nikhat tei honzong khia diing hi. Huaihun chiang in thilhoih hihte' thilhoih in zongkhia diing a; thilsia bawlte; a thilsia bawl un zongkhia diing hi. Huaiziakin, tuni tan a, Nnasep khiak te'n honzong khia hileh nalung a kimna diam? Mi piangthak hi in, piangthak lou hileh; khelhna a kibual khapeuh mah, a khelhna ziak in; sim mohna leh nuaisiahna thuak zelzel uhi. Ban ah khelhna kichi himhim a khial pen in, a khelhna ahilham mangngilh

ta mah leh, a khelhna gahsua, a khialtu kiang atung kik teitei a, a tungkik ma in; tua a khelhna gahsilou himhim hi. Huaiziakin, i khelhna in honzong khiak ma in, En i khelhna uh zongkhia in; Pasian kianglam a kihei kik ni; hileh Toupa'n i khelhna tengteng hon ngaidam diing hi. Huchi ahah lei leh ngai un, "... TOUPA tungah na khial uh ahi diing a, na khelhna un a hon mukhe ngeingei ding chih thei un" (Number 32:23).

IV. Thupiak zuihlouh tuh sihna ahi:

Thupiak zuihlouh ziak in, Lota zii chikhuam a suak chih i muthei hi (V-26). Tua bang mah in thupiak zuihlouh ziak in; Saul kumpipa tuh a kumpi hihna David kiang a piak in om hi. Lot Sodom leh Gomora khua apan Pasian in *ahelpihna ziak kia a*; khosung apan taikhia a phaijang a khollou a, siingtang gam a taisuak diing in thupia hi. Lota in Pasian kiang ah tanggam tungzou lou a, sihmai diing lau in; phaijang khat a tailut sakmai diing in ngen hi. Pasian in a ngetna pomsak in Zoar khopi ah omsak hi. (*Pasian in sepsuah diing a; ana gelsa himhim mihing deihtelna in khekmah leh atawpna tuh mihingte a diing in siatna ahi*

SUUNNA

Elder Emeritus Dongchin (75) apaisa may 5, 2015 in a tenna Bukpi khua ah tangtawn mun ding honna zotsanta a, may 6, 2015 in Pastor K. Dongkhankhup in vuina hun zang hi. Amah Nov. 12, 2940 in piang a, 1959 a zi nei in, hiai kum mah in saptuam dan in kiteng ua, 1982 in upa dia ordain in om hi. Amah saptuam awlmoh leh mi phatuamngai mahmah mi hitawntung hi.

Tua bang a upa it huai i sunna ah saptuam sik leh tangin i messenger ah suun thu i puang hi. Toupa'n a nutsiat a inkuante leh saptuamte khamuanna pia hen.

Sd/-
Deacon N. Khamnuailian
Session Secretary
Bukpi PCI

KIPAHPIHNA

Elder T. Kamsanglian of Mualkoi Presbyterian Church in Evangelical College of Theology (ECT) akipan B.Th zoukhia a, amah kipahpihna hun College leh inn mun ah zatna om hi. Aman student tampi lakah practical ministry ah award leng sang hi. Maban ahong lohchin leh theih na dingin thumpih in, a lohchinna tung ah kipathu genni.

leh, Bible chang by-heart tam sak mahmah ding ahi. Ajiak tuh, Pathian'kha vehna loua halhthakna tangta chih a om theihlough ziakin, gospel tuh lam ah mawl leh zatmawh hongsuak ding ahah maw'k'ziak un. Hiai hih suk chimih dan, tuni a, nu-leh-pate'n i ngaihtuah meng keileh, khangthak tunung a i gam nu-leh-pah hong hipahta dingte'n, thu dik a hon theihkhiak hunhun un, tuni a upa leh pastor thaunilhsa kahi kichite'n zahlakna i tuak ngeingei ding ahi, pilvan hunlawta, nu leh pate, nachi kei maw?

THUKHUPNA: Ei Manipur simtum gama teengte'n, NEIG MISSION hongphut tute ziakin, hamphatna leh thugin/doctrine, huaituh, "*reform thugin or west minster confession of faith*" ana kichichi, thugin bulbal neitakmai leh kingakna tham inatang pha ua ki hampha petmah ahi' chih i ngaihsut thak peetmah kisam hihang maw. Huai omjiabel, Wales gam ah, naupangte laka Pathian'khasiangthou in a vehna nasa taka ana tunkhit taak ziaka

eiite'n I gam pumpi in, tangthupha, Hotdamna, Reformed thugin kichi, bulbal nei tak, Khrist tungtawn in tuipi'gal a kipan i na muh theihmah bang in, hiai Wales halhthakna ana chihsek peen, eilak a i naupangte lakle a hong tunkik hun hong awm nawn ding ahah ziakin, huai halhthakna tuh a ngaklahhuai petmah hi! Amau a kipat pathian'nna sep thupi takmai hong ki phuang daw'k' nawn ding ahi. Huai omdan bel, khang hong om sawnna wnte adia kipat thakna ding [foundation] hoih pen hong hita ding ahi. Wales revival tunlai a, naupangte, tu-a na putek na pi-tek na hitate'n, amau hun lai a, ana saansa uh pathian'thutak, mangngil-ni chih a nei nawn thei kei uhi. Awle, *EL-BETHEL CAMP* hunlai a, i khawpi uh Pathian'kha in a hongveh kan-a thupi om khanawn nailou in kathei [theihkkelh ahah keileh] huai a tawpna hinaidah henla! A thupi zawsem leh anasa zawsem a *KHA* in a hongveh nawn pah kaki lamen lailai hi. Pa Pathian tuh pahtawina thupitak khuksak in omta hen, Amen

veve hi). Himahleh Lota leh a Tanu nihte zoar khopi pia mahleh; tua mun a sawt a teen ngam louhziak un; Amau deihtelna in taanggam ah kisuan ua; huai a kokhuk khat ah atanu nihte toh khosa uhi (V-30). Tua mun ah a tanu nih te'n apa zu pia kham in LUPPIH ua; Lota tanu nihten a pa uh lakah nau a pai tuaktuak uhi (V-36). (*Pasian panglou a, mihingte deihtelna a tunglam in hoih in kilang mah leh; a tawpna tuh siatna ahi veve hi*). A tanu upazaw in tapa honnei, a min diing in Moab aphuak a, Moabte pa ahong hita hi. Huchimah bang in Atanu Neuzaw in tapa honnei, a min diing in Banammi aphuak a, Amahuh Ammonte pa chih in a om hi (V 37-38). Hiai Moabte leh Ammonte tuh Abraham suan Israelte a diing in amelma uh hongsuak ua, Israel naam asimtel hilou uhi (Deuteronomy 23:11-12). Banah, Israel toh kigamgi hihleh himahleh Pasian vualzawlna Israelte bang in hamphat pihlou uhi. Hiai Lot bang a, Pasian thupiak eideihdan, hoihsakdan leh hihkhak dandan Pasian thu a kital kaih diing hilou in, Pasian honthupiak bangbang a, Ih sepsuah diing kisam hi. Huaiziak in Toupa thupiak Namchih kiang a, Tanchin hoih gen

diing a; mohpuakna honpiak *Saptuam-leh-Mimalmal te'n*, i semkha taktak na uhiam chih kivel thak chiatni.

Thukhitna: Na deihtelna mun Pasian honsehsak na mun a hihkhak kei leh Satan in hon koihna mun hikka diing chih thei tel mahmah in; Lota bang in na deihtelna mun ah; Pasian honzong khia leh Pasian a kipakna diam? Samson a deihtelna mun Nungak pheitung kham a; nuamsa tak a; a ihmud lai in, melma ten salmat in nei uhi (Vaihawmte 16:19). Siampu Eli tate'n a deihtelna uap; Pasian in honsap khiaktak in; nikhat thu in a mangthang vek uhi (1Samuel 4:12-22). Joseph khovel a; mihingte'n *ataihsan ngamlouh* uh; Numei Anglum a taihsan ziak a; suangkul a a khumna mun uap; Governor diing in, sapkhiak in om hi. Unaute i khelhna in honzong khiak a; siatna thupitak a ibual ma in; En i khelhna zongkhia in, Jesu Khrist kiang lam zuan ni. khelhna taisan ngam diing in simtute Toupa'n honvualzaw'k' chiatna hen..

Date:22042015
valteshyam@gmail.com

in; Evan.Lang Do Khup'La phuahna ah," **Endih ve khangnoute Biakinn ah a hong lamta, nidang ana mangthang sa itate hilou uhiam?"** ana chih hun hongtung nawn ding hilou hiam [Isai 49:19-22;60:4]. Hiaihun chiangin, i khangnoute Pathian in honpi kik nawn theitham lua ahi.

Tuni a dukdaklou taka vakvai tuailaite, Pathian in A'hinna-hu a hatkhum nawn chiangin, A'hinnatuisiang in a hon sawpsiang nawn tadia, a lungtang uh suang bang a takte, sa[meat]-chitak bangin a hon neemsak nawn ding hun ngaklah om namai zeen e maw! Sorkar leh nam sepaih a kuante sanga, Khrist a dia sepaih muanhui dia a hong kipiak khiak zungzung ding hunuh khawvel in a ngakdet ahi. India gam leh khawvel a gammial[dark continent] kichite ah Gospel-meisel ava dawm-sang tadi ua, gammial gamte ava taan-vaakta ding uhi.

Jawlnei in, "**Hunanung lam ah ka kha kasung baw dia, na tapa, na tanute u tung ah thil-lamdang a hongtung tading ahi**" ana chia agen peen ei tuailaite tung ahleung

tunglou tuanlou ding ahi. Ngaklah huailua e!

7. Ita naupangte'n maban a honnei theita di ua, khang sawnte'n a hon pahtawita ding uh: AIDS positive ziaka, tuni a, naupangte a Nute'n a sihsan uh, a Pa'n ji dang a deihziaka a taisante, kidouna a ziak beipi a a nu leh pa a thahsakte uh, a pi leh a pu hiam in a etkawl uh, khenkhatte gari zui a kilawh, nu-leh-pa' phuba laksawm a thau[gun] tawi-a naki zuipawt, belh ding neilou a vakvai a, hiai bang a naupang hehpihuai mahmahte ziak inle revival hongtung maita leh a chihhuai lua mawle...! Tagah leh a liang-vaite kepna[home] ana pankhethai saptuamte bang lah, phungvuh sawm mawngmawng loulai. Huainaksanga, saptuampawpi lian deuh a omlouh khak dilah," **vangam kailouhna didan a ki ngaihtuahna a zang maimah**" chihite pawl, i saptuam leh i gam sung a dia **revival** a hongtung nadi ahizaw kei hial hi. Tulaia Pastorte' tate, Upate'tate leng hiai in a huapsung ah a bit tuankei hial ding uhi. Khangthak naupang hongkhang tou dingte adin, siatna tundan lungkham a om mahmah hi.

kum 1, kum 2 mi i sinsak, i etkol bangin hon vengin hon engkol a, khoih koh, lawng koh chih nagam ah hon pita ahi. Hon thuhilhna manglou a i om chiangin hon sawi in hon taihilh sek ahi. Khatvei-vei i kah hut-hut a men pei-puai hun chaingin thuhilhna tuak ihi thei hi. Huchih hun chiangin i lungtang khauhsak semsem lou in siatlam manoh semsem lou in Toupa aw bang hih ding a hon deih na hia chi in Pathian kiang kik pahpah in.

Kongkokchik a lut din hahsiang, sat khiak, silsiang masak i ngai hi. I khelhna ka bakzam leiluapi toh i ta zou kei ding. Tu in Pathian ta hita, Pathian an glum a om nuam hina lawm-lawm in, bit hina lawm-lawm hang e (Isai 31:5) Vasa a bu tung a lengleng bangin sepaihte Toupa'n Jerusalem a veng ding vasa in a bu sung a anou om ganhing dan in a na ne kha ding chih lau in gamlapi a leng an zon san ngamlou in a veng gige bangin i Pathian in hon veng gige ahi.

Huchi mah bangin Israelte a sun-azan in ama uh a pi hi. Sun in nisa in a hai louh na dingin nisa nuai ah meiipi zam sak li-liai a, zan chiangin khomial bikbek nuai ah kho mulou

a aom louhna dingun mei (meikuang) in kilak hi. Israelte Pathian thupiak bang a aom chiangun a khosakna uah lamzang sakin, a thupiakte a zuih louh chiangun a sawi a, hong kik unla kon damsak nawn ding chi in zol zel hi. Unauun, unaua aw tulaitak a na buaina na thiltuah lallel pen maw na khalam a na kivelthak lechin Pathian thu na man louh man a buaina tuak hikka mai thei neive. Na lungsim khauhsak in luhlu ken la Pathian kiang kik lechin a man hon damsak nawn ding ahi.

Tu in Pathian ta hita i hihmanin ei thuthu a om theih hinawnta lou ahi. Tuni'n hiai ka hih ding, huai ka hih ding chih theih hitalouin Toupa tunin bang ka hih dia chih nagam ahita, Pathian in atate vualzawl nuam ahihmanin koi ah ka lungdam na sem kha aom a chi in khovel teng ah Toupa mit tuh vak dundun ahi.

Pathian in a tate a thumang ding a hon deih ahilmanin alal chiang toh vaihawm in thupiak nagam ah hon lutpihta (Jer 29:12) Non kan ding ua ka kiang ah nong thum ding ua, kon ngai khe ding. Pathian i kan a a kiang a i thum chiangin aman i

TELTE ISRAEL

-Nu Sialvung

Hon teltu Toupa Israelte Pathian phat in om hen aw! Pathian itna tuh hiai ahi, a thupiakte zuihna, a thupiakte tuh ahaksa ngal kei a (I Johan 5:3) Pathian thu i zak chiangan Pathian in ei a achi hong tuhna ahi. Huaiziakin a thu i zak a, i sim chiangan ngaisaklou in i om kei ding uh. A thu simsimnapi a ngeingailou a i om leh bal teh tung a tui sun i bang kha ding hi. Bal the tung a tui i sun leh kawt nuam lou lua kisa in a tuite lumleh kulkul a luangkhe zutzut hi. Bal teh bang zahtakin tui sunkhum mahlehang zong hul vilvel maimah hi.

Huailouin ka well gei uah pakbawm bangzah hiam ka koih a, pak hoih pipi ka suan hi. Well sung a tuite kikhalkhia in manphatakin kizang mahleh naichik a om ka pakten tui a na dong kha ngei lou ahimanin a lei keu gawp in, a zung hihnomtu ding omlo ahimanin tui duh in vul ning-niang maimah uhi. Tua mah bangin min Pathian thu a hampat pih mahmah lai in, en Pathian thu hinpihlouin i chan kha ding chih lauhhuai petmah hi.

Telte i chih chiangan Pathian in kuate tel ahia le? Pathian telte tuh Israelte ahi uh, Pathian tel i hih theih na dingin kongkochik a i lut phot a ngai (Mat. 7:13) Kongkochik ah lut un hinna a paina kong a kochik

a, alam leng a neu a amute leng tomchik ahi uh ana chi hi. Pianthakna i chih pen hiai mun geih ah akilang a, i khelhna kiskik a Toupa kiang i zot chiangan i khelhna toh honna pom neu-nuau hita lou in, tuichim in honna silsiang a, naupiang tung kihdak huai tak silsiang khit bangin puanlum in honna tuam a, a anglum ah hon pom hi. Piangthak ka hi chinapi a i khelhna i tawpsan kei leh bangchi'n piangthak ihi thei dia? Muk kia vangam kai chih lah om thei lou dia maw? Unau bang dinmun ah na om a?

Pathian anglum it un chiangan aman a thunuai ah hon koih a, amah deihdan kia hon sinsak a, naupang

Namkal buai lai in, i gamsung a buai sa'nlaitak a naupang nahi khalelte, tuhun in, nungak leh tangval ana hizouta ua; hiaihun a, a thil tuahte un, a lungsim ngaihtuahna uh nasa takin a sukha lua hi. A lungjin-huai deuh a ka theih tuh. **Pathian'tung a thangpaihna a lehubut ua, saptuam leh innkuan gingta lou banah, thu-laklou leh thusimlou a, a hong om ding uh lauhuai kasa hi.** A ettawn ding uh mi kuamah a muh zohlouh ua, khaw-mial lakpi a lampi zuih mulmal theilou bangmai in aki mai dawidawi uhi. Hichibang hun laitakin, Setan in hun lemchang a la-in mi tampi a pimang taak ziakin, hiai khangthak a hongpai tou jel dingte lungjin huai mahmah hongsuak le-uh kilawm hi.

Khawvel in a hon paitouh pih jeldan i etleh, saptuam khenkhat te'n, a mihing lampang bawlkhia zawlou in, biakinn[church building] puh khiak leh bawl khiak kia limsak zaw hile uh kilawm in lang hi. A tawp chian, ki-khawm ding mi leng muh zoh louh in a om khak ding lau huai deuhleh kilawm hi. Huai tuh a daan om hilai, mi khenkhat, saptuam makai kahi chite'n lah, gamdang apan degree

sang pipi vala in, gamdangte apan panpihna sum a dawl khawmte un, amau gilpi khaalna dileh, a inn a lou di-umah, pucca building hoih taktak leh thupi taktak kitun ding ua, thilpiak a hat ding, sawm-akhat leh a dangdang, banah misonari vak ding peuh hah geen in, amau a mission head office ua tawm-chilik sawm-akhat a cutte uh seenta tawk uhi. Tua kia deih huntawk lou in, gamdangte sum zang a, biakbuk neiloute bawlsak, a liangvai a gentheite banah, tagah meithai leh khawsakna haksate adia, diktattak a panla mite hah dema dem pawl zong ki om leuleu thei jel hi. Bangteng hileh, huchibang lungputte tawpsan in, ki phungvuh tuahna lungsimput sawm chiatle i gamin khantouhna leh halhthakna kithuah, i chi leh nam in vualjawlna thupi tak i tang zaw di'n ki nepna lianpi kanei hi.

Tulai a ki gengen, London khawpi a khangnoute'n biakin a zuakzuak mai thu uh ahita hi. Ei gam ahle i khanglaite'n biakbuke zuakdi peuh a honsawm hun uh a hong tundi'ng, thil mulkim huai khaw leh dip-kuat-huai lua hilou hiam' chihte bang ngaihtuah tham ching mahmah hi. I tate Pathian vehna leh houpihna tang le-uh i chih

poimoh hon pepah lou in, hiai mi'n bang ziak a hon kan a, ka kiang a hong thum ahia chi in hon ngaikhia ahi. Non zong ding ua, na lungtang tengteng ua non zon hun chiangan non mu ding uh achi hi. (I John 3:18) thu kia in it kei ni, lei kia in leng it sam kei ni, thilhih leh chih taktak hizaw hen. Pathian tate mizia tuh a thu kia a it lou a, kam kia a leng it sam lou a, thilhih leh sephkiak chih takna ahi. Tu in Pathian in leigou luah ding leh van gou luah ding a hon deih ahimanin zilna school ah hon kaisak a, class room ah hon tusakta ahi. Eksodas 20 a thupiakte sawmte zil sakna school ah tuh a fail ten Pathian gawtna tuak ding ua, a pass te tuh Tapa toh gou a luahkhawm ding uhi.

Awle unau nu, unau pa aw na zilna sangin na zil khiak tam mah leh na min bul lam leh na min tawpna lam ah na zohsa leh na hihna tuang ngetngat mahleh Toupa zil sakna school a na kai kei leh Pathian mitmuh in zero (bial) na hi mai hi.

01. Kei Toupa na Pathian uh ka hi, kei lou ngal a dang bangmah ana be kei un

02. Kei na Pathian uh ka hi, ka min siangthou a mawk in ana gen kei un

03. Ka nni siangthou khawlni a na tang siangthou un

04. Kei nong zahtak bangun na nute uleh na pate uh ana zahtak un

05. Mihing leh mihing ana kithat kei un

06. Hamsiatna na thuak louhna ding un ang na kawm kei un

07. Na neihsa uh ana kiguksak kei un

08. A na kikhem kei unla zuau thu ana gen kei un

09. Mi zi sa, mi pasalsa va lunggulh sak kei hial un

10. Huaihamna lungsim toh mi neihsa ana deihgoh kei un

Tu in Pathian in i khelhna hon silsiang in a anglum ah hon pom in a deihdan hon sinsakta ahi chih i theih nungin a thupiakte kalh lam a i gamtat tei-tei louh ding ahi. Pathian sinsakna nuai a khanglian a piching hiai-hiai i hih tak manin siampu leh siampu ki elna gam ah i dingta. Nang leh kei tuh niteng in kidouna pualpi ihita mai hi. Baal siampu 450 leh Toupa zawlnei omsun Eliza akiel ua suampu Eliza in mei a samkhia a, mipi tengteng in Pathian a be dupdup mai uhi. Zawlnei Eliza in baal siampu tengteng that vek in vualzohna vuah hong zu pah ziahziah hi. Nang ziak in mi'n Pathian biak tak hi in a mu uh hia? Nang ziakin vualzawlna na insung in tang hi in na mu hia?

lianpi toh, NLPWCte vaisaina in, **Pathian hon lemsak pih ki lam-etna lianpi toh, Gelead Thumna Tlang of Thingkangphai ah, September ni 3 apan ni 5 sung [2015] in Upa/Pasal Camp neih dia phasak ahita hi.**

I gam siatna, niteng a i gengen leh i zakzakte hong pung dedeuh zawmah ding hi. Pathian in Amor mite' giitlouhna a hawng pun tultul ding a ngaak bang i hita uh ahi. Lamka khawpi leh a sehvel a innkuan sung, saptuam sung, i society sung a i gamtat i khawhei tengteng van apan Pathian in Amah' mit-nauta in hon ensuk in A hon mu thamlua dinga, bang chi'n a hon ngaihtuah tamai zen diam! A zu-leh-vate leh gamsa te'nle, i gama teen haksa a sata ua, itenna zogam leitang ah, huihsiang, sing-leh-guate nasan in thuak zoulou in, **"zogam nuam hitalou in, Pathian' hamse-dong gam a teeng"** i hita maikie maw? Unau te aw!

I gam hamse-dong sa-uh damna ding lampi nih chauh om **thangpaihna' ahihkeileh, ngaihdamna!** Ngaihtuah mah dile unau, Pathian' hehna leh thangpaihna ahon sawpsiang hia

na-ut? Ahihkaleh, A'ngaihdamna? Ken tuh, Pathian in, A'revival a pat A'ngaihdamna in hon sawpsiang leh' chih uhuai kasa petmah hi. A ziakbel, Leonard Ravenhill in, **"America' adia lauhuai peen tuh, communist a hiki a, Pathian ahi"** ana chi hi. A dikle dik deuhdeuh di'n a gintak huai hi. Awle, ei mihingte khelhna leh gitlouhna a pumdimte hita mahle, Pathian lama iki heia, Amah lama kisiik a A'kianglam zuan a i kik nakleh, Aman i gam a hon damsak kik ding hi. Pathian in i nam leh i gam a hon damsak aleh, A honthuchiam sabang in, vualtui, daitui, nisate a hun bangjel in Ahon pedia, a sung a teengte, i hinna ding petu in a hong pang nawnta ding uhi.

6. Khrist' sepaih hangsan tampi a hongpawtta ding uh...halhthakna a hongtun chiangan: Guhvuak bang maia nakisia gawpta, kinepna ding omnawnlou, hinna beia sisa bangmai a lumden itate sung ah Khrist apan hinna thak hong lutta dia, Mangpen' sepaih hangsante a hongsuakta ding uhi. Hiaibang hong hita di'n Pathian' Khasiangthou in a bawl thei ahi. Pathian' Kha veh nawnta toh kisai

ngaihdam tuahna, leh ki-iittuah nawwna, i chihte, i innkuan sung, saptuam sung leh i Zogam uah hongtung thei laidi' nagingta hiam? Mihing lungsim suangtuahna ah thil hithe ngeingei di' n langkei mahleh, thil hithe lua ahi. Bangteng hileh, Pathian in revival tungtawn in a bawl theitham hi. Tu-leh-tu in bel, eimah mimal chiatin, revival hong tun theihna dia, mikhial pen thil hihkhal pena na mohpaih deulpen, ngaihdam nawwna naneih matan, nang mah mimal hinkhua ah halhthakna taktak a tunding na utkei lailai chihna a himai hi. Huaituh, Bible in," kuapeuh khawvel lawm hih ut tuh pathian melma in a kibawl nak ahi" ana chih tangkha nahih ban ah, na meelmapa tuh; na mi muhdah pa/nu hilou, Setan leng hisam lou in... na meelma lian tuh Pathian a hong himaimah, chihna eive, lauhailua chi awi!!! Tua ahimmanin, kisik kihei in Khrist kianglam honzuan meng inla, ngaihdam ngen inla, kisi'k in thum lechin, Amah hon ngaidam dia kiman gige ahi, aki kheel ma-in. French revolution ah, sisan tampi a luan lai in, England gam sung mah a revival a hongtun taak ziakin, sisan-naisan luan ngailou in, ki-it tuahna leh ki-

tunding thak nawwna a tung hi. Ei gam ahle tuabang revival ahi a ngaklah huai penpen leh a deih huai penpen.

5. *I Saptuam leh I gam, revival taktak a hongtun chian a dam pan ding:*

I saptuam leh i gam sung nuamlou i chih chian, a sung a omte leh teeng te'n a suksiat jiak ahi, huai in tuh vangsiatna a tusek nak hi. [Jakob 4: 1ff sim in]. Tualthah nawwna lungsim putna mun, tatthang nawwna, nek guktakguk a dimna gam, tagah leh meithaite khitui luanna mun, dawite toh kizawlhna munte ah, Pathian in a hon ompih nuam gige kei hial ding hi. I pi-leh-pute satsa gam ah, i zogam' tunnu' sisan tawp-kang phet ihih mawk jiakin, i gam ua nek-leh-tak piang nawnlou mawk a hihchian; Punjab antang a, bangtan kivak zou ding i hiam? Hiaibang dimmun ah, Israelte khang tangthu sim lehang, i Saptuam' simthute leh I zogam' tong-leh-zam aki tuak peuhmah hi. Hichibang a i hinkhuate uh chavai taka zangtoute i hong hih mawk tak ziakan, i gam leitang kisak theihpih mahmah uh teek-gawp ding, vul-leh-kau ding, a bang maimah tave! Tuabang khawng a, i hinkhua uh zangta mai ihih tak jiakan, veinatna

GAH HUN LOU A GAH

Marka 11:12-14 (by Elder B. Luttinthang, Zenhang Lamka)

¹²A zing chiangin Bethani akipan ahong lai un, agil ahong kialta a, ¹³aman gamlapi a theipi kung, nah phatak khat agalmuh a, agah muh kilamen in ava zuan hi himahleh atuntakin a teh kia lou ngal bangmah amu kei hi. Theipi gah hun lah ahingal kei a. ¹⁴Huaitakin Jesu' n theipi kung kiang ah "nang akipan kuaman gah ne nawn kei hen" achi hi.

Hiai Bible tang ah thil poimoh mahmah, theipi gah hun lah ahingal kei a, chih i mu hi. A thu tangpi ahileh Jesu a lampai lai in a gil ahong kial mahmah a, theipi kung bukpha mahmah khat a galmuh a, amun a ava et leh agah muh ding anei kei a, ahamsiat thu ahi. Hiai teng banah theipi gah hun louh lai ahi chih bible in a gen hi. Theipi agah louh hun a agah louh tuh bang diklouna aom a? Theipi' n hihkhelh anei kei. Jesu' n gah hun louh ahil lam thei lou adiam? A thei mahmah ding, naupangte nangawn in singgah hun a thei uhi. Jesu' n theipi agah hun lou a agah louh ziakin athangpai in ahamsiat hi. Huaimah bangin ei gingtute leng gah hunlou a i gah kei leh Pathian i tung ah a thangpai ding chih i thei thei hi. Gah hun lou a gah ding a lamet ihi. Theipi hamsiat toh kisai hihchet

dan tuamtuam aom a, atangpi hiai bang ahi. Theipi Israel (Juda) genna ahi a, polam latdanin a etlawm in ahohi mahmah uhi. Pathian namtel, athu kemte ahi ua, dan zuite ahi uh. Himahleh khalam ah gah anei kei uhi. Pathian ta, mite genna ahi. Israel taktak ihi chih Rome laikhak ah i mu hi. Hiai bang hihchetna adik kei i chi kei. Hiai a gah louh hun kigen pen poimoh mahmah di' n i ngaihtuah a, bang genna hiam chih i sui ding. Hiai tuh toh kisai hihchetna fiah tak ka mu kei a, himahleh kei muhdan ahi ka hon gelh. Gah hun lou a gah louh ziakin siam ikitan thei kei a, Pathian leng athangpai chih i thei. Bangchi ding, bang loh ding ihia?

Gah bang ahia?:

Bible in gah a chih chiangin khagah chi kua-te genna ahi. Huaituh

haal-tum uhi. Khawpi-sung, kilchih ahte Pathian' pahtawina aw ging kiza thei hi. I Lamka khawpi ah, halhthakna a taktak in hongtung lehbel, tuk-tui hattak in, nin-buakna tengteng, tuitha-lui lamah a taihkhiat suk bang mai in, sawpsiang in a hong om ding ahi.

Zogam khawpi chia Lamka i kisak theihpih mahmah lai un, siatna tawpkhawng tung hita mailou a hiam maw! Teenna diale mun bitlou leh galmuan om louhna pe'n society hita mailou a diam maw. Thanghuaina, thagum a ki bawl na, ki langkhenna, zu-leh-sa munpi a hita keia hiam aw. Hichibang a sukbolhloh a om khawpi siatna in ana pumtuam phasek mahleh, Revival taktak; khasiangthou mei in veel bangzah hiam ana haalsiang sek hi. Tuabang halhthakna tuh eigam ahle tung thei jeljel tham ahi. Hawngtung pahta mai leh aw, chihhuai namai zen e!

Tunitandong, kasepna mun, heutute'n station dia a hon suanna munmun uah, Naupang Pawlte (PCF/BCD) te toh ki fellowship-na hun-khat kasep khejel ua, kum masa 2013 tawp kuanlam in

Naupang 30val in a lom in Baptisma hon tang uhi, Hallelujah! Ka nupa un, a tamthei bangpen hun kana zatpihjelna uah, Pathian ziakin, naupang leh tuailaite lakah, halhthakna in a hon juijel hi. Hiaibang khalam halhthakna toh, i siamsinlai naupang te' nle a hinkhua ua lungluatna lianpi a hon neitheih taakchiangun, a hun-awllen kal unle, prayer fellowship hun in, a hun-hoih leh manpha takmaite uh a honzang khawmzom thei jeljel uhi. Govt.office leh Saptuam office kaite' nle, i gam khristian' gam i chih ngalleh' ahon chita ding ua, Pathian mai ah kituluut in, thum in a hong maukhawm theita ding uhi. Thumkhawm na munte tuh, pianthakna mun a hong suak tading. I khawpi pe'n, teen-khawmna mun dia kilawm leh mun etlahhuai pen hongsuak tadia, Govt.office teng ah diktatna in mun a honnei tadia; district Hospital a, staff-nurse tebang a hong piangthak vek tading uhi. Huaikhitchian, lainatna toh damloute a hon kep kaal uh a ngaklah huai khopmai hi.

4. *Revival i chihchih a hongtun chian, social activity banah,*

Jawlnei habakuk hunlai in Israelte theipi, grape, olive leh gantate ahinna pen uh ahi. Jawlnei a dingin lungngaih huai leh mangbat huai tak hun ahi. A ngatna lam teng a mial dundun ngei ding. Mi khat a sepna apan khawlsak in om henla, inn lam a asum muhna teng suksiat in omvek henla, hileh leh dimmun ahi. Hiai dimmun ah kipahna ding leh lungnopna ding himhim aom kei. Himahleh chang 18-na i sim suk leh, huchi in leng Toupa ah ka kipak veve ding chih i mu hi. Bangchidan in? Pathian hotdamna manpha petmah ka tan ziakin a chihna ahi. Pathian hehpihna, hotdamna amanphatdan (value) a theihchet luat ziaak ahi.

Mi khat in suangmantam crore khat man nei henla, amanphat dan (value) thei kei leh bangpi in a ngaih tuak kei ding a, hoitakin leng akem kei ding. Huchituk a thil manpha nei himahleh a vokpi a sih chiangin a lungkham mahmah ding, a neihpen amanphat dan a theih louh ziaak ahi. Amanphat dan thei hileh a vokpi sih ziakin a lung ngai kei ding. Himahleh a thil neih manphat dan thei mi ahileh, thakhat in a inn kangtalah van dang teng sangin a suangmantam a tuh ding a,

alakkhiak nak leh a lung a kim in a kipak veve ding. Huai bang ahi. Haksatna bang teng hong tungin, lohsapna ten hon dawn mah leh Pathian hotdamna i neih manphat dan i theihchet chiangin zawlnei bangin ikipak veve ding hi. Hiai ahi ahunlou a kipahna gah kichi. Ka lawm hoih mahmah khat in, buaina, taksapna nasatak atuk a, a melmuh di bang le haksaka kasa hi. Himahleh lamdangtakin akipah dan thu ahon hih a, amah apat zilkiak tampi ka neih loh hi. Natna, hihdam theih louh na nei a, ahikheileh na hinna lauhthawng huai dimmun ah na om a, huai hun in na khamuang veve hiam? Pathian in khamuang dingin ahon lamem hi. Pathian hotdamna na tang ngal a!! Huaiziakin na khamuang veve lou hia? Paula leh sila leng nasatak a soisak ahinnungun suangkulh sungnungpen ah sikkol toh khum in aom ua, thum leh mau a aom ding hun uh ahi. Himahleh la asa uh chih Bible in agen hi. Hiai ahi Pathian in nang leh kei a alamet.

Bible ah thupiak tampi aom a, thupiate lak a kauh mahmah khat tuh bangkim ah kipahtu genun, kipak gige un chih ahi. I hinkhua

itna, kipahna lemna, thuaktheihna leh adangdang. Mihing ah gah chinih in a kikhen a, sagah leh khagah ahi. Sa gahte, huatna, duhamna, hukna, tualthahna, enna leh adang tampi aom. Lehlah ah khagahte aom. Bible in sing chih sing hoih leh sing hoih lou agah un a theih theih achi hi (Luk 6:43) Niteng in banghiam i gah khe zel a, sami, sa a omten sagah a gah ua, khami, kha a omten khagahte a gahkhe zel uhi. Jesu'n amah nungzui a, khagahte gah hun lou a le gah ding in hon lamen hi. Ahihleh bang chidan a gah hun lou a gah thei ding ihia? Gah hunlou a gah theih dan i gen ding.

Gah louh hun a gah:

Gah louh hun i gen ma in gah hun i gen masa ding. Etsakna ding in khagahte lak a khat kipahna i la ding. Hun nuam a hong tung a, i damtheihna bang leng ahong hoih a, kong bangkim ah lohchinna i ngah a, insung mi bang hong kim in Christmas i hon zang a, zing leh nitak in sa limtaktak i meh a, biakin ah Pathian thu lungkoih huai pipi i ngaikhia a, lasak, lenkhawm bang anuam mahmah a, mi khempuuh huai hun in i kipak chiat a, kipahna

i gah khe souhsouh uhi. Kipahna gah hun ahi. Himahleh i ngaihtuah hetlough, vangtahna in hon na muak a, damlouhna nasatak i tuak a, sum leh pai taksapna nasatak in hon zui a, lametna tengteng a beivek a, ahikheileh i ngaih mahmah i zi, i pasal hiam, i tate hiam in hon omlouh san a, lungkhamna, thawmhauna leh kingaihsiatna ahong gahkhia hi. Hiai hun ahi, kipahna gah hun louh tuh. Hiai hun a kipahna gah ding in Toupa'n ahon lamen hi. Hiai hun ahi gah hunlou himahleh Pathian in gah ding in ahon deih a, ahon lamen hi. Ahun lou a gah theih dan hiai bang ahi.

Habakuk 3:17 ah theipi kung pakpha kei in, grape guite ah gah omlou in, olive sepgimna vuaksuak in, louten nek ding piangsak louin, ahuang akipan ganhonte satkhiak a om in, huangsung ah ganta omta kei mahleh, huchi inleng Toupa ah ka kipak veve ding, aman ahon hotdam ziakin.

Hiai bible tang hoitakin ngaihtuah in. Lam teng ah lohsapna ahong tung a, mihing a ding a kingakna tengteng, lametna ding bangmah omlou in a lohsam vek hi. Hiai

political revolution bangle a hong ki tungding theita ding:

I gam tu-dimmun a batleh, ka muh vetei danin, sisan naisan suah ngai phial khop in, movement chituum riau khat chuh hong om petmah leh kilawm in hong lang thei hi. Jaan nitak khat T.V. Local channel kava on zual aleh, i nam-makaite'n, Hill Autonomous Dist. Council toh kisai interview leh thu-tangpi aki kupkhwamma thu uh ana hi zenzen hi. Huaia heutu khat in a hon geen danin, "hiai tungtang toh kisai sepkhiat a kisawm peuh mah chiangin, phaizang mite'n i maa nasa takin a hon madal sek baan uah, phuutzawmna dileh sukdan toudian; Delhi lambang a va khuazin pih angaih chia hun tamveipi piak ngai a hih ba'n ah, sum-lou-pai-lou a kichi theilou ahizhiakin, I heutupa uh, Pu Vung D Tombing in, a service-na bang ana suspend khawlawh leh minsiatna tampivei ana tuah lawh hial hi" chih thu a hongeen uh kana za'ktakin, kakiguih hial hi. Kenle, huaitakin, 'ehe, i heutupa'n hichi zahtaa nagum-thuak eive!' chih kahon theih chiangin, ka inn-pi lam uh Mualkoi ah, ka pa hilh di'n kava taitou hial

hi. Hiai thu kazak apan, "thuchian theiloupi a kigensiatsiatte a kin theipen a tawpsan takdi eitave" chih ka lungsim ah honglang zungzung hi. Huai nungsinh, i kiphungvuh tuah ua banglam peuh a ki pumkhatna leh ki lainattuahchiat a pankhawm hun lawta hiveh aw chih, ahon geelkhe sak vungvung hi. Huaiziakin, revival ah bel, thau-vui thau-tang khat mahle ngailou hi. U-aw-nau-aw, pi-aw-pu-aw, hon ngaidam in, ken kahonna simmoh khaa ahi'ki chituah thei chiatleng maw... halhthakna i lakah hongtung dia, ki-iiit tuahna mittui toh iki vaidawn tuah siausiau theita ding uhi. Kum 1496 – 98 sung, Florence Revival' gah-khia in, a gamki vaipuakna uh setak mai hon khengkhiiaa, huhum taka kivaiahawmna tuh phukpaih a om in, 'Democracy' a ki vaihawmna tung in hong omta mai hi. Berlin Wall' sisan, a luan na dileh, thau-vui-thau-tang khatle ngailou in, sukmanng ahita. [akimjaw na theihnop leh, Philip Yancey gelh, laibu, "Finding God in unexpected Places" kichi nasim in].

Unaute, hiai bangbang a revival; ki lephthak nawwna, ki

ah anuam leh ahaksa ahikeltou den a, a chang a kipahna, a chang a dahna hinkhua ah i hing hi. Himahleh ahaksa leh nuam ah leng kipak gige din Bible in thupiak khauhtak ahon pia hi. Hiai ahi gah hunlou a gah. Sa dan a ahin lehbel khovel toh kiton a thilhoih a muh chiang in akipak a, haksatna ahong tun leh a dah hi. Ahinkhua khovel in a thunun a, khovel thil neih leh lam, sum leh pai kia a ngaihtuah hi. Khovel theil ah akinga a, akhen chiangin akipak a, khen chiangin a dah hi. Himahleh, khami tuh khovel toh ahikhen a, van lam thilte

ah alungsim akoih a, atung ah bangteng hong tung lezong Pathian ah akipak hi. Sawltak Paul in khovel thilte ninneng bang phet in ka sim chi hi. Pathian hehpihna atante, van gou aluah dingte leh lawman a don dingte a theichiang mahmah a, khovel in a subuai ban ta kei hi. Huaiziakin gah hun lou in a gah hi. Jesu itna, hotdamna athupidan, i tan ding leh vangou i luah dingte i theihchet chiangin gah hun lou ah leng i gah ta ding. Toupa'n i tanchiat ah hon vualzawltta hen. Amen!

Khangsawnte'n ei a muanna a hon neih zawh nawnlouh khak ding uh thil lau huai petmah ahi.

Bangziakin, i chihleh, Saptuam sung khah, politics saanna mumpi, lungsim natna mumpi a hong suak thei mawkta hi. A neitu Jesu'n mun neitalou. Saddam Hussain bang mai a, lungsim khe'ng tak mai a, vaihawmna a hongsuah mawk takziak in ahi. Revival a hong tun taktak chiantu, Saptuam ah hinna thak a honglut tadia; mite'n Pathian' sianthouma a hon muta ding ua, amau mimal hinkhua chiat uah a sianthou louh dan uh a hon mukheta ding uhi. Hiai huntak chiangin, tuni a heutu hih-ut lawte'n, a sianthou louh dan uh honglang kheta dia, a sepna ding munloupi khawng a semkha ahil lam uh hon theikhia kawm in, stage lam apatin nunglam a hon delh sahsauh ding uhi. Pitu muanhui kichite'n, lau leh ling a kising-ling kawm in, saptuam hon pita ding uhi. Hiai hunchian, Saptuam in, sianthouma puan a hon silh theita ding hi.

Huchi'n, Saptuam a hongdam tadia, huaitak chiangin, lamlian leh daia panin vakvaite'n hon zuan tading ua, hause leh sumhaute thu-neihna

a hawng hizou zai nawn kei dia, pau leh ham ah, chi-leh-kuang; kikhen tuamma om nawnta lou in, eimah inn toh kinaih penpen Biakin ah kisuanglah lou hial in, Pathian i be khawm tading uhi. Huai hun ding ngaklah huai petmah ei! Vangam ah lah, "hiai-pawlte hiallam ah, huai-pawlte huailam ah, a tuam deuh in" chihite a om taklough ding ziakin.

3. Halhthakna taktak a hongtun chian, khaw-tang sianna kichi teng, sianthousak a hong hita ding:

Tu-leh-tu in, i Biakin ah bang, i leenkhawmna munte ah, bangzawng teng in limin laam mahlele, khaw-tang sianna a bawl dik thei taktak zou tuankei hi. Revival a tun taktakna munte ah, khaw-tang hindan lamdan sak in a om sek hi. Halhthakna a tunna munte ah, suangkul (lockup/jail) tang ding mi omta louin a awng in tan-innte om maita di ua, zu-zuakna munte ah a dawn ding mi a om taklough ziakin khak ahita hi. Etnawp suah namunte a beita dia, policete sepding a beita ding hi. Florence Revival a tuh, la man theihlouh, jawl-la, milim-thanghuai leh thil-sianglou tengteng, mei ah a

theih na ding in bang ka hih dia?" chi'n, meikuang bang a kizial in, michih lungsimah Pathian'kha in nna hawng seem ahita' chi a, Pathian'thutak ki genna munte delh a i delh hun ding uh ngaklah huai salou na hiam, unaute aw?

2. Halhthakna taktak a hongtun chian, Saptuam tengin Hinna thak neita unteh Awle, Healing Of the Land Convention pitu-pa, George Otis gendan in, "I saptuamte uh Kha panglou inle na paipai theithou" ana chi hi. Huchibang Saptuamte tuh, Rapchar zawhchian leng, a pai ngei un pai nalai unchin. Bangmah ki lamdanna ding nei tuanlou ding uhi. Huaiziakin, John R. Rice in, "tulai a Saptuam, kha lam a keu a hul mahmahte tuh, Nu nawi-tui neilou, ata adia teep dile neilou tawh tehkhin ahi" ana chi hi. Saptuam sunga Halhthakna tunna mun leh khalama damna mun ding hina pi'n, chi-leh-nam ki-deidanna-mun leh ki-ettuamna society a hongsuakta maisek ahi. Lamka a, saptuam pawl tuamtuam omte lak ah, a ki-it a ki ngaina leh ki deihsak a, ki-phungvuh tuah sawm a ki-ittuah taktak saptuam pawl tuamtuamte

bangzah i om diam maw....' Ka chi sek hi. Unau Hmar leh Mizote en zualle, saptuam pawlpi min tuamtuam ah omle-ule, a ki-huituam sawm leh ki dai-dan tuam sawm dan ale pai louua, ki phungvuh tuahna a ngai in, hamphatna ding omteng, banglam peuh ah, a nam pumpi ua hamphatna tang khawm hong hivek mai ding uhi. Amau pawlpi omna chiat ah aki oimawh tuam omlo in, a poimoh hunhun chiangin pawlpi khat bangin kigawm theizel uhi. Eite leng i om khakna pawlpite ah ki Amen diamdiam sukleng, khanlam kinawt zaw venteh. Tu hun nanung ah, saptuam sung khawng i ngaihtuah chia'n, i om didan leng thei zou nawnlou i bangta ua, i pawlpi sung khawng, i nekguk i takguk kisiatvuum khawmna mun peuh i suah khak maimah ding uh, thil lauhuai petmah ahi' chih phawk in, kivel thak chiat leng hoihlou ding hiam' kachi hi. Khrist' lungtang suna kha in i gamtang kha ding uh chih i pilvan mahmah ding uh ahi. Saptuam in a omna ziak thei zou nawntalou in, pawl buai in buai zouta, thil hoihlou bawl kisaselua in, a langlang a i buai na lam in, Khrist lungsim dawt pailat a hihna tute ihi takei maw!

HALHTHAKNA [REVIVAL] MAH I GAM IN A TAKSAPLIANPEN HIMAHLOU HIAM?

By: Pastor Goukhansiam, Zenghang Lamka.

I Messenger simtute tengteng kiang ah Lalpen Jesu Khrist itna nou ngei toh chibai!

Igam a Halhthakna-thu toh kisai kikum khawm leng chih ka lungsim ngaihsutna ah honglianpen hi. Igam leh I nama Dinga thil khat hong kipedeck hitaleh bang nateel diale, unau? Ipu leh pate'n hausa-puansan mah ana Teel sek uhi. Kenbel, REVIVAL mah kahon chi peuhmah dia, aziak bel, tu-le-tu in; i Zomi namsung leh i Saptuam chiat uah, halhthakna mah bangchiklai peuh in i taksap pen uh hi gige in ka thei hi. Hun sawt a kipan a chialpate campte i neihtouh det uh ahia, hitamahleh, nungtawl jel bahjel pukjel in i om deuhsek ua, mihing ihihna tawh hatden chihpen thubaihlou ahihdan i thei chiata, a huchih chiang tata in a kuapeuhmah in i lunggulh penpen tuh," Halhthakna ka ngaingei e.... Toupa" chih laa in a thu in hiai message a hon piang khesak hi, Pathian phat in om hen aw! A masa in, Revival bang hihiam? Chih igeeelkhawm masa phawt awle:

Revival awmjia diktak i theihiam kilamdanna a hawng piankhakna phawt angai hi. Lim leh phur taka mun ahi. Revival a tunna mun taktak kisingsaa, khalam a valim sang ah tuh; pau leh ham, saptuam leh zawh seng gige ding leng a hawng chi-leh-nam kikhen tuam talou in, huihpi hattak nung in a nawk batnatan awmthei hi. Revival khakna lamlam bang mai ahi. A crusade chia program va mawk gah(result) a hihleh, kha-pawngbawl veulah hawng hideuh mangthang a sang a simseng gigelou a hihjiakin. Mihing in i bawl louhte'n hotdamna a mu ding ua, theih hilou a, van a kipan nam-leh-gam bawl-hoih in a awpkhum a, thil thupi leh dia, mihingte' bawl theihlouhte

khalam mit-a muhtheihna a tungsek hi. A mawl(simple) tawppen a genchet di'n chitaleng, Pathian in A'mite Amah' thupina [khasiangthou] tawh A hawng vehkhiakna leh A' hawngpawlh limna ahi. Hiai pe'ntak ahi "**Revival/Halhtakna**" kichi veusek! Nachi kei maw, sanggam aw?

Revival taktak bangchi bang a hiam? Chih Wales Revival, amah' mit neia mutu, H.Elvert Lewis gen dan in."...**gamkeuleh singsaw** keu lakah meisel kide a, mun khat apat a banban a ahong kihaal kuang tawh tehkhin hi....Kum 1905 kipat tuung lai'n,Wales gam kilchih a haalsiangta;khawpi leh khawne-u, mual leh guam teng Pathian'kha in a haalsiangta ahi" ana chi ahi. Huan, amah mit neia mutu, G.Campbell Morgan gendan in,"Wales gam pe'n, atung lam a kipan ki-en suk thei hitaleh,bangmah lunggeel khawlh awm manlou hialin, mun khat ah mei a hawng kuangsuah dia,huchi'n mundang khatahle a hong kuangsuah dia, huchi'n, a banban in mun teng ah mei a

hawng kuang suah mai ding ahi. **Huaituh, alian huap zaw deuh in hon geen taleng, Pathian in,'En un ka mite keilam ngaa ahong thum ualeh, ka thilhihtheihna/va'ngletna hiai bang ahi' chihna deuh dan ahi**" ana chi'n geen hi.

'Revival' chih thumal a kigen khak chia'n,**khalam a khanlawhna [awakening]**, chi'n leng a ge'n theih ahi. Latinte pau in,'**revivo**' a kichi a, huaituh,"**hingkickthak/hingnawn**" chihna ahi, aki chihi. Hebru'pau in,'**Chayah**', Greek pau ah,'**anathallo**' ahi a,huai awmjia tuh," **hinhtaksak, hingthaknawn, a keu/gaw lai hawng hingthak nawn, nawm (wet) thaknawn**" chihna lam a kawk hi.

Bangdang tengteng sanga i pawimawh u tuh,hiai "**Halhtakna**" mah tuh ahi. I vei ua, lunggulh pena le'ng i neih ding mah uh ahi. Awlmawh pe'n leh tha-it penpen a neih a, Pathian'Khasiangthou mah tuh lunggulh pe'n mah a i neih ua, A'kha mahmah tanmun i sawm theih-a-leh, a thuval hetkei ding' chih i geenchian ngam ahi. US' Presidentpa Barak Obama tuh, Indian Republic Day ni-a

Chiefguest dia a hawnglai in, India tuh ana kihahsak khawl mahmah mai a, milian khat in a hawng veh ding himhim leh, i kinepna pe'n u-tuh, aman a hawn thil-thu-puak di'ng pe'n tak tuh ahisek ahi.

HIAITE-AHI HALHTAKNA IN EILAMADIA A HAWN PUAKE DINGTE:

1.**Kha' mangthang sa'ng zatampite'n Hotdamna hon muta-unteh:** Revival kizat masakna pe'n,**PENTIKOS NI** ahi. Huai Ni na ngeingei in tu, mi 3,000 in Hotdamna a tang uhi. Huaizawh phet, mi 5,000 in a hawng kibehlap ua, huaikhit inleng, a ni a sim theih in a hong ki behlap tou uhi. Huaidungjui in,Sawltakte' nasepte ah i mu thei hi. Lim deuh mai in, jan khaw-vak in leengkhawm hial mahleleng, i laka kha mangthang tampite hotdam ahil taktak tuankei ualeh,'Revival a taktak a hawngtung ahi' a kichi thei ngei kei ding hi.

Pathian'thu gensiam, Charles G.Finney,a thugen lai in, Revival a hawngtung a, mihing 100,000 hial in Hotdamna a tang uhi,Amen! Hiai hun in, mi piangthak,chiangtak a

kilaan khia 85% mihing a tutna ua kipan in a dingtou uh' a kichi hi. I ge'n khitsa mah bangin,Wales Revival ah, hun bangtan hiam a hong khawl tawldam hunsung un, mihing 100,000 val in Hotdamna a mu uhi. Huchi ahil maizenleh, unaute aw....Ei, Lamka a te'ng mihing Nuai-khat(1 Lac)vel chauh hia, I district pumpi mihing kigawm Nuai-thum vel chauh hia; Revival hongtung taktak hileh, mihing hiaizah zouzai in **HOTDAMNA** a taktak a mu ding hi ua maw!!! Tulai, i camp leh Crusade-te uah,mihing lungsim a taak dan mai tuh, thugen tute'n, **missi leh guhvuak** laka thugen bangmai hita!!! A piangthak khin kichi, upate nangawn lah, ngawlvei tawh ki danglam lou kitam, hat sawt ngaihna awmlou zawmah. Revival a hongtung louh kal a, mite lungtang suang bangmai a a hongtak didan tuh chizat huai khawl mahmah hi! **Tulaitak saptuamte hiai bang dinmun geih a kiding hitalou maw....hehna leh thangpaihna tawh kidim zouta hilou ihi uhiam....kha lam a keuna i lak uah a tung lellet hitalou hiam!** Revival a hawngtung a kuaman,".... **hotdam a ka awm**

COVENANT CHILDREN'S HOME

CCH in a support, Rayburn College a kai Class XII naupangte' result suak ah mi 21 exam-te lakah mi 20 in lohchinna ngah uhi. First Division 16, Second Division 4. Amaute kipahpihna in i taklang hi.

ARTS

<u>Min</u>	<u>Mark Obtained</u>	<u>%</u>	<u>Div.</u>
01. Chingthianmuan	361	72.2%	1 st
02. Manlianching	324	64.8%	1 st
03. Eddy Chingthansang	324	64.8%	1 st
04. Niang Rosy	366	73.2%	1 st
05. Neilam Tungnung	315	63%	1 st
06. Niangngaih lun Munluah	336	67.2%	1 st
07. Dalkhokam	305	61%	1 st
08. Kamthiankhup	347	69.4%	1 st
09. Muanlal Hanghal	319	63.8%	1 st
10. Thangkhanmuan	351	70.2%	1 st
11. Niangbiakhoih Dousel	290	58%	2 nd
12. Dinglian	275	54.6%	2 nd
13. Langkhansiam Guite	275	54.6%	2 nd
14. V. Lianlaljohn	297	59.4%	2 nd

COMMERCE

<u>Min</u>	<u>Mark Obtained</u>	<u>%</u>	<u>Div.</u>
01. Monica S. Khuptiong	318	63.6%	1 st

SCIENCE

<u>Min</u>	<u>Mark Obtained</u>	<u>%</u>	<u>Div.</u>
01. H. kammuonlal	308	61.6%	1 st
02. Pauminthang Baite	345	69%	1 st
03. Moite Kullai	323	64.6%	1 st
04. Mamy Vungngaihlian	350	70%	1 st
05. Paukhansuan Khuptong	343	68.6%	1 st

kros ah damna kim



PRODUCTION TEAM

Editor

Rev. Khen P. Tombing
C/No. 9862088190

Jt. Editor

Rev. H. Chin Thiansong
C/No. 8731850322

Contributing Editors

Rev. G. Suanzalam
Rev. Khamlianmang
Eld. T. Khupzadou
Eld. Langkhanpau Guite
Eld. N. Thangzamawi

Cir. manager
Mr. C. Biaklun

THU TUUNTE

Editorial	01
Na hinna dingin...	03
Telte Israel	06
Gah hun lou a gah..	09
Halhthakna mah...	13
Suunna	25
Upa telching leh training..	26
Kiapthu genna	28

Head Office

Presbyterian Church
in India (Reformed)
Box -32, Hebron Veng,
New Lamka 795006
Manipur, INDIA

Subscription Fee

Rs. 10/- per copy or per month

Website of the Church

<http://www.pcireformed.com>

A sung a thu
kisuahthe editorial board
ngaihnan ahivek
kei.

Printed, published and edited by Rev. Khen P. Tombing at Diamond Offset
Press for the Presbyterian Church in India (Reformed)

Report: Mission Field : Dirpai, Assam.

Pathian hehpihna leh noute thumpihna ziaak in tuni tan dong
Pathian gamna sem thei lai a ka om man uh kipak luau ng.
Report hiai anuai abang in k ahon bawl uhi.

1. Pathian thu hihl a omzah : 150 (Za leh sawm nga)
2. Tukha sung a piangthak zah : 07 (sagih)
Amaute :
 1. Mr. Ukeshwal Kanaan
 2. Mrs. Moinaboti Kumar
 3. Ms. Sapna Biswakarma
 4. Mr. Bhaia Paharia
 5. Mrs. Kobali Paharia
 6. Mr. Untu Lohar
 7. Mrs. Rosini Lohar
3. Kipahthu genna ding leh thumpih dingte:
 1. Jesu Kris Hondampa a pomthak mi sagihte ziaak in
kipahthu gen in thumpih zom lel ni.
 2. Kou missionaryte Pathian in ka kampau, gamtat uleh
ka sinsakna te uh avanzat muan huai asuah theih zel
nading in hon thupih un.
 3. Gingthakte leh evangelistte khalam a hong
hatsemna ding un thumni.
 4. Ginglou, Pathian thu zanailou tamsem in Gospel,
Pathian thu ahonzak theihna ding ua kong hong
kikon bel zel nading in thumni.

Report petu: Mrs. Hauniang - Here am I Ministries(HIM) apan